

Resolución número: 15

Asunto: os artigos definitivos.

Testo de a resolución

O paradigma máis cheneral ye *o, a, os, as*. Son istas formas as que se consella empregar con carácter cheneral parando cuenta manimenos en as oserbazioms de os puntos siguiens.

1. En bels contestos espeziáticos, debán de bocal, s'emplegan as formas apostrofatas *l' ta* o masculino, procedén de a forma "*lo*" e *l' ta* o femenino, procedén de a forma "*la*".
2. D'aluerdo con as *Normas Graficas* de l'aragonés (cabo 4.2.) l'artículo masculino puede apostrofar-se, preendo a forma *l'* (procedén de a forma "*lo*"), cuan predece á ras bocals *a-, o-, u-*: *l'artículo, l'onso, l'urmo* e almite igualmén apostrofación debán de palabras prenzipiadas por *i-, e-* tónicas: *l'inte, l'ingle, l'este, l'esmo*. En masculino a estendencia máis cheneral ye l'apostrofación.
3. A forma femenina de l'artículo sólo s'apostrofa en a forma *l'* (procedén de a forma "*la*") debán de palabras prenzipiadas por *a-*: *l'aloda, l'augua*. Fuera de as que prenzipan por *a-*, en femenino nunca no s'apostrofa e ye por ixo por lo que se recomienda empregar a forma común: *a isla, a era, a ora, a orella, a ideya, a escuela, a india, a unibersidá*.
4. Debán de palabras prenzipiadas en cheneral por as bocals *e-, i-* atonas, e máis espezialmén por as sílabas *es-, is-, ins-, en-, em-, in- im-*, cal empregar a forma cheneral de os artículos definitivos singulares *o, a* e no pas a forma apostrofata **l'*. Exs.: *a escuela, a istoria, a institución, o entibo, o empandullo, o intrés, o imperfeuto*.
5. Existen os alomorfos *ro, ra, ros, ras* que ye posible empregar dezaga de bocal: *Se'n ba ta ra escuela*.

Chustificación

Tal como ye popular e tradicional en a más gran parti de os lugares de l'Alto Aragón, debán de sílaba atona *es-, is-, ins-, en-, em-, in- im-* u de bocals *e-, i-* en cheneral, o correuto ye empregar as formas comuns u chenerals de os artículos, u siga *a*, en femenino e *o*, en masculino. Exemplos: *a esbinzadura, a istoria, a imbidia, a imprentación, a estral, a enclusa, a estación, a endrezera, a entrepelación, a edá, a ibiarnada, a ideya, a ilesia, o estanco, o istoriador, o esbarre, o escarrón, o esconchuro, o escurexito, o empenzpio, o empeltre, o esturrazo, o encargo, o esquimen, o erenzio, o ibón, o ibiarno, ez*.

En cualsquier caso, en o que pertoca á o empleo de as formas apostrofatas de os artículos definitivos singulares debán de palabras prenzipiadas por bocal, cal remercir o establito en as *Normas graficas* (4.2.)

Bibliografía